



HAI ARI

ՀԱՅ ԱՐԻ

ՈՐԿԱՆ ԳՐԱՆԱԽՅԻ ՀԱՅ ՍԿԱՌԻՏՆԵՐՈՒ
ORGANE DES SCOUTS ARMÉNIENS EN FRANCE

Բ. ՏԱՐԻ ԹԻԻ 2-e ANNÉE No. **-9-** 1930 * * Յ Ո Ւ Ն Ի Ս * * * * JUIN * *

ԲՈՎԱՆ ԴԱԿՈՒԹԻՒՆ

- | | |
|-------------------------|----------------|
| ՊԵՏԻՆ ԽՕՍԻԸ | Գ. Մեծատուրբան |
| ԵՐԿՈՒ ՈՒՂԵՐԶ | Պէյաղն Բաուլ |
| ՄԵՐ ՍԿԱՌԻՏՆԵՐՈՒՆ . . . | Հիւպէրք Մարթին |
| ՍԿԱՌԻՏԱԿԱՆ ԿԵԱՆԻԸ . . . | Հայ Արի |
| ՀԱՅՐԵՆԻՔԻՍ | Ա. Ահարոնեան |
| ԿԱՊԵՐՈՒ ՄԱՍԻՆ | * * * |
| ՄԱՐՄՆԱԿՐԹԱՆՔ | Վ. Մ. |
| ՄԱՐՍԷՅԼԻ ՈՒՂԵՐԶԸ . . . | Բ. Գալէգեան |

Ասկէ-Անկէ
 Սկառտական լուրեր

Գինն է 2.50 ֆրանկ

HAÏ ARI

REVUE MENSUELLE

Organe de l'association des Scouts Arméniens

Reconnue par le Bureau International de Scoutisme

Directeur: KOURKÈNE MEDZADOURIAN

Հ Ա Յ Ա Ր Ի

ՕՐԿԱՆ ՅՐԱՆԱՍՅԻ ՀԱՅ ՍԿԱՈՒՏՆԵՐՈՒ ՄԻՈՒԹԵԱՆ

Կը հրատարակուի ամիսը մէկ անգամ խմբագրական մարմնի մը կողմէ

Յօդուած և զրամական առարկաներ բնել հետեւեալ հասցէին՝

ԳՈՒՐԳԷՆ ՄԵՏԱՏՈՒՐԵԱՆ

3, Rue Gustave Tricard


BAGNEUX (SEINE) FRANCE

ԲԱԺԱՆՈՐԳԱԳՐՈՒԹԵԱՆ ՊԱՅՄԱՆՆԵՐ

Ֆրանսա, Մուրիա և Պալֆաններ տարեկան 25 ֆրանկ

Ուրիշի երկիրներ ,, 2 տուլար

Հատը ձեռքէ կը ծախուի 2.50 ֆրանկ



Հ Ա Յ Ա Ր Ի

| | |
|---------|---------|
| Բ. ՏԱՐԻ | - 1 - |
| ԹԻԻ | ՅՈՒՆԻՍ |
| - 9 - | 1 9 3 0 |

ՊԵՏԻՆ ԽՕՄԲԸ

ՄԵՐ ԾՆՈՂՆԵՐՈՒՆ

Միացեալ Նահանգներու սկաուտները գեղեցիկ սովորութիւն մը ունին: Ամէն քաղաքի մէջ ուր սկաուտական խումբ մը գոյութիւն ունի, տարին մէկ անգամ կը հաւաքուին սկաուտները և իրենց ծնողները ընթրիքի մը համար և այդ օրը կը կոչուի «ԾՆՈՂՆԵՐՈՒ ՕՐ»: Այդ տօնին միակ նպատակն է հանդիսարար յարգանք մը մատուցանել սկաուտ - ծնողներուն (սկաուտ ըսելով հասկնամք երէցներու, Գայլիկներու, Սկաուտներու և Արիւնուշներու ծնողները), որոնցմէ կախում է սկաուտական յայտագրին յաջող գործադրութիւնը:

Մենք ալ արդէն ծրագրած ենք կազմակերպել տարեկան հանդիսարար հաւաքոյթներ որոնցմէ առաջինը տեղի

պիտի ունենայ այս տարեշրջանին իսկ, բայց ատկէ առաջ կը փափագէինք այսօր մեր յարգանքի և երախտագիտութեան խօսքը բերելու մեր սիրելի ծնողներուն որոնք այնքան գիտակցօրէն կը հովանաւորեն մեր շարժումը, նոյնիսկ շատ անգամներ դրական կերպով աջակցելով մեզ (ինչպէս հանդէսներու և հաւաքոյթներու կազմակերպում, և այլն): Իրենց անվերապահ համակրանքը մեծ ոյժ մըն է մեզի համար, և շատ անգամներ իրենց լայն վստահութիւնը փրկած է մեր առաջնորդներէն շատերը յուսալուծումէ: Ամէն անգամ որ կ'ունենամք հանդիսարարութիւն մը, կամ աշխատանքի հաւաքոյթ մը, մեր ծնողները ներկայ են իրենց լայն աջակցութիւնը բերե-

լով: Մայիս 11ի հանդէսին, մեր այն-
 քան սիրելի սկաուտ-փայտերէն մին,
 պարոն Տ. Պ.ը կ'ըսէր. «մենք միշտ
 ներկայ ենք ձեր հաւաքոյթներուն, ո-
 րովհետև կապուած ենք մեր տղոց»:
 Ես վստահ եմ որ, կարելի է նոյնպէս
 աւելցնել՝ որովհետև մեր սկաուտ
 ծնողները կապուած են մեր գործին:
 Մեզի համար անոնք մեր լաւագոյն
 նեցուկն են, որովհետև անշահախըն-
 դրօքէն կը սիրեն մեզ և կը փափագին
 որ մենք միշտ յաջողինք: Անոնք մեր
 լաւագոյն պաշտպանն են երբ մեր
 գործը պէտք ունի պաշտպանուելու,
 վերջապէս իրենք են առաջին գնահա-
 տողները մեր աշխատանքին, որովհե-
 տև միայն իրենք են որ ամենամօտ
 կերպով կը տեսնեն իրենց տղոց նիգե-
 րը և կը զգան բոլոր դժուարութիւն-
 ները:

«ՀԱՅ ՍԿԱՈՒՏ ԾՆՈՂՆԵՐՈՒ ՕՐԸ»
 կազմակերպելէ առաջ, որուն ընթաց-
 քին մենք պիտի գիտնանք ցոյց տալ
 ինչպէս որ պէտք է, մեր անհուն ե-
 րախտագիտութիւնները մեր ծնողներու
 հանդէպ, մենք փափագեցանք այսօր
 սա քանի մը տողերով մեր որդիական
 փոխադարձ գուրգուրանքին հաւաս-
 տիքը տալ մեր սիրելի սկաուտ-ծնող-
 ներուն:

ԴԺՈՒԱՐԻՆ ԱՄԻՍ ՄԸ

Յունիս ամիսը շատ չէ սիրուած մեր
 սկաուտներէն որովհետև մեր տղոց-


մէն շատերը իրենց դպրոցական աշ-
 խատանքներու պատճառաւ չեն կրնար
 իրենց ուզածին չափ աշխատիլ սկաու-
 տութեան համար: Կը կարծենք որ
 անհրաժեշտ է որ գոնէ այդ ամառայ
 ընթացքին մեր տղաքը, անգամ մըն ալ
 իրենց համար աշխատին և իրենց յա-
 ջողութիւններով՝ երջանկացած մաս-
 նակցին կազմակերպուելիք բանակում-
 ներուն որոնք հիմա այնքան ալ հեռու
 չեն:

ՀԱՅՐԵՆԱՍԻՐՈՒԹԻՒՆ

Շատերը մեզի հարց կուտան քէ
 ինչպէս կրնանք օգտակար ըլլալ հա-
 յութեան քանի որ միայն տղոց անձ-
 նականով կը զբաղինք: Կ'ըսեն նոյնպէս
 քէ քերևս մեր տղաքը անձնատէր
 դառնան, և արհամարհանք ունենան
 ուրիշներուն հանդէպ:

Սկաուտները ինքնահաւան չեն եր-
 քեք, իսկ երբ անոնք մէկուսի կ'աշխա-
 տին շատ անգամ, ատիկայ պարզապէս
 աւելի պատրաստուելու համար է՝ ծա-
 ոայելու Հայրենիքին: Հայ Սկաուտին
 առաջին պարտականութիւնն է հայրե-
 նատէր ըլլալ և երբեք չմոռնալ, որ մե-
 զի պէս տառապած ցեղի մը համար
 հայրենասիրութիւնը առաքինութիւն-
 ներուն առաջինն է:

ԳՈՒՐԳԷՆ ՄԵԾԱՏՈՒՐԵԱՆ



ԵՐԿՈՒ ՌԻՂԵՐԸ ՄԵՐ ՍԿԱՈՒՏՆԵՐՈՒՆ

Առաջինը Լորտ Պէյտըն Բաուլէն է, սկաուտ Պետը որուն մասին խօսած
 էինք նախորդ քիւով: Իսկ երկրորդը Միչլագաչին Գրասենեակի տնօրէնէն
 է, մայիս 11ի դաշտահանդէսին առթիւ:

Հարկ կա՞յ ըսելու որ այս երկու ուղերձներն ալ մեծ պատիւ են մեր միու-
 քեան:



THE BOY SCOUTS ASSOCIATION,
 25, BUCKINGHAM PALACE ROAD,
 LONDON, S. W. 1.

April 1930

Dear M. Medzadour
 Cordial good wishes to my brother
 Scouts on the anniversary of St George's Day.
 I hope that Scouting is going
 ahead well with you and I wish you
 all good Camping

Yours sincerely
 Baden-Powell

ՊԵՏԸՆ ԲԱՌՆԻ ՌԻՂԵՐԸ:

Ապրիլ 1930

Սիրելի Պ. Մեծատուրեան,
 Սրտագին բարեմաղքու-
 քիւններ սկաուտ եղբայր-
 ներուս, Սուրբ Գեորգի
 տարեդարձի օրուն առ-
 քիւ:

Կը յուսամ որ սկաու-
 տութիւնը լաւ կերպով
 կ'ընթանայ ձեզ մօտ եւ
 ամէնուր լաւ բանակում
 կը մաղքեմ:

Ձերդ անկեղծօրէն

ՊԵՏԸՆ ԲԱՌՆԻ

ԵՒ ՀԻՒՊԵՐԹ ՄԱՐԹԻՆԵՆԸ

Մայիս 9 1930

Փարիզի Հայ Սկաուտնե-
 րու Ա. խումբի հիմնա-
 կութեան ճող տարեդար-
 ձին առթիւ անոնց կը ղըր-
 կեմ այս սրտագին բարե-
 մաղքութեան ուղերձը եւ
 կը մաղքեմ անոնց շատ
 երջանկութիւններ սկաու-
 տութեան մեծ խաղին մէջ:
 Թող անոնք բոլորն ալ
 մեծման ըլլալու համար
 երջանիկ, առողջ եւ օգու-
 կար ֆաղափայլեն:

ՀԻՒՊԵՐԹ ՄԱՐԹԻՆ

Տնօրէն.

BOY SCOUTS INTERNATIONAL BUREAU.

CHAIRMAN: THE RT. HON. LORD BADEN-POWELL, G.C.M.G., G.C.V.O., K.C.B., CHIEF SCOUT.

TELEGRAMS: INTERNATIONAL BUREAU, SCOUTCRAFT, LONDON.

TELEPHONES: VICTORIA 8834 AND 8835.

DIRECTOR: HUBERT S. MARTIN, ESQ., C.B.E.

INTERNATIONAL COMMITTEE:

MAJOR W. DE BONTETTEN.
 REV. PER J. JACOB.
 MAJOR ERBE LIEBRATH.
 COUNT H. MARYT.
 SIR ALFRED PICKFORD.
 MR. FRANK PRESSEY.
 MR. MORTIMER L. SCHIFF.
 DR. A. B. SYDORIC.
 COUNT P. TELEKI.

25, BUCKINGHAM PALACE ROAD,


LONDON, S.W.1

May 9th. 1930.

On the occasion of the sixth anniversary of the
 foundation of the Armenian Scouts of Paris I send them this
 message of cordial goodwill and I wish them every happiness
 in playing the great game of Scouting. May they all grow
 up to become happy, healthy, helpful citizens.

Hubert Martin

DIRECTOR.



«The Scouter»

ՍԿԱՌԻՏԱԿԱՆ ԿԵԱՆՔԸ

ՓԱՐԻԶԻ ՇՐՋԱՆԻ ԴԱՇՏԱՀԱՆԴԵՍԸ

Մայիս 11-ին Փարիզի շրջանի սկաուտները, գայլիկները և երեքները ունեցան իրենց տարեկան դաշտահանդէսը Փաթ տ'ուաի դաշտին վրայ: Օդին աննպաստ ըլլալուն պատճառաւ որոշուեցաւ ուրիշ առիթով մը կատարել ծնողներու և բարեկամներու դաշտահանդէսը և միայն սկաուտական հանդիսաւորութիւնները կատարուեցան:

Փարիզի II ի Ագեվագ խմբակը կը բանակէր արդէն երեկոյեան, իսկ Երեքներու խումբը շարաթ կէս օրէն ի վեր կ'աշխատէր բանակումի պատրաստութեան:

Կիրակի մինչև կէս օր տեղի ունեցան բանակումի աշխատանքները. և կը հասնէին Փրանսական սկաուտներու ներկայացուցիչ խումբը, Յոյները, Բոլոնացիները, Հրեաները և ուրիշ սկաուտական կազմակերպութիւններ:

Հակառակ վատ օդին ծնողքներ և բարեկամներ կը շտապէին նոյնպէս դաշտ:

Ժմ. 2:30 Պիէոյիլէն հասաւ M. Marc Sangnier որ քերու ժամ ճամբորդած էր ներկայ ըլլալու հանդէսին: Քիչ յետոյ դաշտ կը հասնէր նաև Պ. Արեքսանդր Խատիսեան:

Հանդէսը սկսաւ հանդիսաւոր տողանցքով, նախ կը քալէր միութեան դրօշակակիրը, յետոյ Փարիզի II ը իր նուագախումբով, Փարիզի I ը, գայլիկները ամբողջական կազմով, Արիստոնները և վերջապէս Երեքները, ընդամէնը աւելի քան հարիւր: Յետոյ կազմուեցաւ հսկայ շրջանակ մը օտար սկաուտներով և Հայ Արիստերով: Ընդհանուր Պետը խօսեցաւ տղոցը «սովորական» խանդավառութեամբ, որուն պատասխանեցին Արիստերը «միշտ պատրաստ»ով: Յետոյ խօսք առաւ M. Marc Sangnier որ ուղղելով նախ «իբ խօսքը իր մեծ բարեկամ Ընդհ. Պետին շնորհաւորեց սա սքանչելի տղաքը» և խօսեցաւ անոնց պարտականութիւններու մասին իբր Հայ քաղաքացիներ և իբր սկաուտներ: Մաղթելով անոնց որ շարունակեն այսպէս իրենց աշխատանքը, յոյս յայտնեց որ օրէ օր կը խտանան շարքերը, ու ատոր համար խոստացաւ ինք իր բարեկամներով միասին ընել աւելի քան պարզ բարեկամի մը պարտականութիւնը: Յետոյ հանդէսին իրենց բաժինը բերին երգերով և խաղերով: Գայլիկները ներկայացուցին «Ճանկալակն» տեսարաններ, Երեքները կատարեցին հեծելանիւի հետաքրքրական փորձ մը, Փա-

րիզ I ը ցուլի մրցում մը ներկայացուցին, Գաթալան հազուսաներով և Փարիզ II ը կատարեց բուրգերու և նախնական դարձանումի փորձեր:

Պ. Խատիսեանը խօսեցաւ նաև մեծ կորով և ազգային ոգի մաղթելով տղոց, և վերջացաւ հաւաքով: Ամբողջ հանդէսի ընթացքին Պ. Կորկանեան շարժանկարեց մեր սկաուտական կազմը և անոր փորձերը:

Հիմա կը մնայ կազմակերպել զեղեցիկ դաշտահանդէսը:

ՀԱՅ ԱՐԻ

**

Պ. Մարք Սանիէի քերքերէն մին՝ «Le Volontaire» իր մայիս 25ի քիւլին մէջ հետևեալ կերպով կ'արտայայտուի մայիս 11ի դաշտահանդէսին մասին.

«Մայիս 11ի կիրակի օր մեր Հայ Արի բարեկամները իրենց տարեկան դաշտահանդէսը կազմակերպած էին նախազանգութեամբ Պ. Մարք Սանիէի: Այս հանդէսին առթիւ հայ Ընդհանուր Պետ Գուրգէն Մեծատուրեանի կոչին պատասխանած էին զանազան ազգերու պատկանող սկաուտներ և գայլիկներ:

«Ժամը շին տողանցքը սկսաւ: Նախ կուգային Փրանսացիներ, Բոլոնացիները, յոյները, գայլիկները և հայ սկաուտները որոնք բարեկցին հայ դրօշակը որ ազատ կերպով կը ծածանէր ասպնջական Փրանսայի հողին վրայ: Յետոյ Գուրգէն ներկայացուց Մարք Սանիէն, որ խօսք առաւ և ի մէջ ալլոց ըսաւ.

«Սկաուտութիւնը տղայական խաղ մը չէ միայն այլ միևնոյն ժամանակ բարոյական կրթութեան մեծ դպրոց մը որուն համար կ'աշխատիք դուք»...

«Դուք հոս հաւաքուած աշխարհի շորս կողմերէն առանց նկատի առնելու սահմանները տողորուած էք միայն եղբայրութեան սիրով»:

«Յետոյ սկսաւ խաղերու բաժինը, երգեր ու պարեր, երկու գայլիկ լասօի փորձեր ըրին և յաջողեցան:

«Հազարումէկ փորձեր եղան բոլորն ալ իրարմէ հետաքրքրական և հանդէսը վերջացաւ:

«Ը. Պ. ը շնորհակալութիւն յայտնեց հիւրերուն և ամէն ոք վերադարձաւ ուրախ, մինչդեռ երկինքը կը սկսէր մթնել և իրիկուան խաղադուլթիւնը դանդաղ կերպով կ'իջնէր քնացող անտառին վրայ»:

ՀԱՅ ԱՐԻՆԵՐԸ ԺՈՒԱՆՎԻԼԻ ՀԱՆԴԻՍԻՆ

Մայիս 18ին Փրանսայի Իւնեօնիսք սկաուտները կատարեցին իրենց 19րդ տարեկան բանակումը Ժուանվիլի մէջ, մասնակցութեամբ օտար սկաուտական խումբերու: Այս տարի ալ Հայ Սկաուտներու Միութիւնը պաշտօնապէս հրաւիրուած էր իբր միակ Հայ խկական սկաուտական կազմակերպութիւնը:

Հայ Արիները հասան շարաթ օրուրնէ և հաստատեցին իրենց բանակավայրը: Բանակեցին Փարիզի I և II խումբերը,

իսկ յաջորդ առաւօտ հասան Երեքները և Գայլիկներու խումբը և Հայերուն ընդհանուր թիւը անցաւ 100ը:

Առաւօտեան հայ բանակավայրը այցելեց իւնեօնիսթ սկաուտներու ընդհ. Պետ Կէրէն-Տէփարտէն որ զնահատեց անգամ մը ևս հայ սկաուտները:

Յետոյ տեղի ունեցաւ վօլէ պօլի մրցում մը հինգ ազգերու միջև (Անգլիացիներ, Յոյներ, Բոլոնացիներ, Ռուսեր և Հայեր): Վերջին մրցումը կատարեցին Ռուսերը և Հայերը: Շատ

գեղեցիկ խաղաղութենէ մը յետոյ Հայերը շահեցան ընդհանուր մրցումը, ախոյեան հանդիսանալով: Հայ խումբը հետեւեալ կազմը ունէր. — Հ. Գեղեցիկ, Ա. Չամայեան, Ե. Օտապաշեան, Յ. Գալուքեան, Ս. Աֆանասեան և Տ. Թորոսեան:

Կէս օրէ յետոյ բանակաւայր այցելեց Պ. Ֆրանսուա Բօնտէ, Ազգային Տնտեսութեան Նախարար:

Ժմ. Յին այցելեց Հայ բանակաւայրը, և հետաքրքրուելով զանազան հարցեր ուղղեց Հայ Ընդհ. Պետին Հայ սկաուտական կազմակերպութեան շուրջ, և խիստ գոհ մնալով շնորհաւորեց Հայ սկաուտները: Պ. Կէրէն Տէճարտէն շատ գովեստով խօսեցաւ Հայերու մասին. Նախարարը սեղմեց խմբապետներուն ձեռքը և մեկնեցաւ գոհ կերպով:

Յետոյ Ֆրանսացի սկաուտները ըստ իրենց յարազակը՝ ներկայացնելով սկաուտական գործունէութենէն տեսարաններ և խաղեր: Հանդէսը վերջացաւ 3000 սկաուտներու տողանցքով մը, որուն Հայ Արիները մասնակցեցան նուագախումբով և դրօշակներով: Ամէն Հայ Արի ձեռքը ունէր պզտիկ հայկական Եռագոյն մը և երբ կ'անցնէին նախարարին առջևէն դրօշակները վեր բարձրացուցած երեք հուռտա արձակեցին անոր ի պատիւ: Նախարարը և Ֆրանսացի պետերը խիստ գոհ մնացին այս ցոյցէն:

Հայ Արիները մեկնեցան անգամ մը ևս շնորհաւորելէ յետոյ Ֆրանսացի կազմակերպիչներէն, որոնք այնքան կը սիրեն Հայ Արիներու Միութիւնը և կ'օժանդակեն անոր յառաջդիմութեան:

ՀԱՄԱԳՈՒՄԱՐԷՆ ՅԵՏՈՅ



Փարիզի պատուիրակները Բրիվայի մէջ: Համագումարէն յետոյ կը գրադին կամուրջ(!)ի մը շինութեամբ:

Հ Ա Յ Ր Ե Ն Ի Ք Ս

Արմենիա', Արմենիա', ո՛վ դու «Հանուրց հիւսիսականաց վեհագոյն» . դու որ չորս հազար տարիներից իվեր լոյսի ու քաղաքակրթութեան ջահակիր եղար քո դրախտային բարձրաւանդակների վրայ և Լոյսի սիրուն սուտերակի ծառացար համայն Ասիայի բարբարոսութեան դէմ որպէս Պալլաս Աթենաս, որպէս քո «Մայր Ամենայն զգաստութեանց» Անահիտ
Արմենիա, Արմենիա...
Ո՛վ դու սկիզբն իմ բոլոր ուրախու-

թիւների և իմ բոլոր տրամուրթիւնների .
Ո՛վ դու աղբիւրն իմ բոլոր յոյսերի, և բոլոր յոյզերի .
Եւ բոլոր իմ բերկրամբներին .
Եւ բոլոր իմ խորհուրդների .
Ո՛վ իմ պաշտելի Արմենիա .
Ո՛վ իմ պաշտելի Արմենիա :
Ա. ԱՀԱՐՈՆԵԱՆ
10 մայիս 1930
Սորբոն

ՄԱՀ ԳԷՈՐԳ Ե. ԿԱԹՈՒՂԻԿՈՍԻՆ

Հայ եկեղեցին սուգի մէջ է: Էջմիածնի մէջ վախճանուեցաւ Ամենայն Հայոց Հայրապետը, վշտալի Գեորգ Ե. որ կաթուղիկոսական գահը բարձրացած էր 1911ին:

Ինք նոր ժամանակներու ամենադժբաղդ Հայրապետը եղաւ եւ տեսաւ հայութեան կրած բոլոր տառապանքները: Երբեք չլքեց դայն եւ մնաց իր ժողովուրդին հետ, համակերպած եւ անայլըսյլ: Ներկայ պայմաններու տակ իր մահը իսկական ազէտ մըն է Հայ եկեղեցիին համար:

Հայ սկաուտները որ կը սիրեն ու կը յարգեն Հայ եկեղեցին խորունկ վշտով է որ կը կրեն Մեծ Հայրապետին սուգը:

ՖՐԻՏԵՕՅ ՆԱՆՍԷՆ

Մայիս 13ին Օսլոի մէջ մեռաւ Տօքթ. Ֆ. Նանսէն, Նորվեկիացի մեծ բուժախօյրը եւ հայութեան

ամենամեծ բարեկամը: Ինք մօտէն կը ճանչնար Հայ թշուառութիւնը եւ կեանքին վերջին տարիները անցուց ամէն տեղ հայութեան օգնութիւն գտնելու ջանքերով: Այցելեց Հայաստան, ծանօթացաւ Հայ մանուկին հետ եւ վերադարձաւ մեծ ծրագիրներով, որոնք շատ գեղեցիկ էին, իրագործուելու համար օտարներուն կողմէ:

Ինք մեծ բարեկամ մը եղաւ սկաուտներուն եւ անգամ էր Նորվեկիայի սկաուտական կազմակերպութեան վարչութեան: Իր անունով էր որ ծանօթացանք 1929ի ձգձգօրիին Նորվեկիայի ընդհ. պետին հետ որ «սիրեց Հայերը, ինչպէս սիրած պիտի ըլլար զանոնք Նանսէն եթէ տեսած ըլլար ձգձգօրիին»:

Հայ նոր սերունդը մեծ երախտագիտութեամբ պիտի յիշէ անունը այս մեծ մարդասէրին որ գիտցաւ ծառայել նուիրական դատի մը պաշտպանութեան:

Կապերու մասին

Մեր սկաուտներուն մասնաւորապէս կը յանձնարարենք ուշի ուշով հետևիլ այս նոր կապերու փորձերուն որ կուտանք այսօր: Նկարներուն վրայէն հետևելով և արշաւներու ընթացքին փորձելով կարելի է կատարելութեամբ հասցնել սկաուտական կրթութեան այս նիւղն ալ:

« Ամէն սկաուտ պէտք է գիտնայ կապեր շինել: Ասիկա շատ դիւրին բան մը կ'երեւի եւ սակայն կապ շինելու լաւ եւ վատ ձեւերը կան: Սկաուտ մը պէտք է լաւ ձեւերը գիտնայ: »

« Շատ անգամներ կը պատահի որ մարդկային կեանքեր կապի մը լաւ կամ գէշ կերպով շինուած ըլլալէն կ'սխալուած են: »

« Լաւ շինուած է այն կապը որ կը դիմանայ բոլոր ճիգերուն եւ կարելի է քակել դիւրութեամբ երբ պէտք ըլլայ: »

« Գէշ կերպով շինուած է այն կապը որ կը քակուի առաջին իսկ քաշուելուն եւ որ կը վերածուի այն տեսակ թրնձուկի մը որ անկարելի կ'ըլլայ քակել: »

ՊԵՅՏԸՆ ԲՍՈՒԼ

ՔԱՆԻ ՄԸ ԿԱՐԵՒՈՐ ԿԱՊԵՐ

(Հոս չենք խօսեր Նորըն ծայի կապերուն մասին)

1. ՈՒԹԻ ՉԵՒ ԿԱՊ. — (պատկեր 1) Շատ դիւրութեամբ կը շինուի եւ կը գործածուի շատ բարակ երկու կապեր իրարու միացնելու: Չանոնք քով քովի բերել 15 սնթմ. ի երկարութեամբ եւ հանգուցել ինչպէս մեծ կապ մը:

2. ԶՈՅԳ ԱՌՈՌ ԿԱՊ. — (պատկ. 2) Նախ պարզ աթոռակապ մը շինել որուն օղակը շատ լայն պէտք է ըլլայ: Յետոյ սկսիլ բ. օղակը շինել (2). երկու օղակներն ալ լաւ մը սեղմել ջանալով որ միեւնոյն մեծութիւնն ունենան: Այս կապը կը ծառայէ անձ մը վեր քաշելու եւ կամ վար իջեցնելու: Նախընտրելի է պարզ աթոռակապէն որովհետեւ աւելի հանգիստ կը պատճառէ:

3. ՄԻՋՆԱԿԱՊ. — (Middlemans) (պատկեր 3). Այս կապը կը շինուի առանց ջուանին ծայրերը ունենալու: Կը գործածուի լեռները մագլցողներուն կողմէ: Ծայրի անցքը մէջքերնին պարզ աթոռակապ մը կ'ընեն, իսկ մէջտեղինները այս կապը:


4. ՍԱՆԴՈՒԽ ԿԱՊ (բ. տեսակ) (պատկ. 4) շատ դիւրութեամբ կը շինուի եւ կը գործածուի ջուանէ սանդուխներ շինելու:

5. ԱՐՏՈՅՏԻ ԳԼՈՒԽ. — (պատկեր 5). կը գործածուի անշարժ առարկաներու վրայ կապ մը հաստատելու:

6. «ԶՈՒԿԻ ԲԵՐԱՆ» (պատկ. 6) կը գործածուի հաստ կապ մը ցիցի մը վրայ հաստատելու երբ քաշուիլը ուղղածիդ է:

7. ԱՆՈՒՈՐԴ ԿԱՊ (բ. ձեւ) (պատկ. 7) կը գործածուի կոռք մը քաշելու, եւայն: Օղակը ուսէն կ'անցուի::

8. ԽԱՐԻՍԽ ԿԱՊ (պատկ. 8). Կը գործածուի խարիսխ մը ջուանով կապելու: Այս կապը շատ հաստատուն է մանաւանդ երբ թրջուած է անկարելի է որ քակուի:



9. ԿՐՕՆԱՒՈՐԻ ԿԱՊ (պատկ. 9). Այս կապը կը շինեն կրօնաւորները (Capucims) իրենց հոտած գօտիին ծայրը:

10. ԳԱՒԱԶԱՆԻ ԿԱՊ (պատկ. 10). Կը գործածուի երկու գաւազաններ իրար կապելու հաստ ջուանի մը միջոցաւ:

ՄԱՐՄՆԱԿՐԹԱՆՔ

ՄԻՐԵՆՔ ՇԱՐԺՈՒՄԸ ԲԱՅ ՕԳԻՆ ՄԷՋ ԱՐԵՒԻՆ
ՏԱԿ, ՕԳՏԱԿԱՐ ՍՓՈՐ ՄԸ

Պատահեր է անշուշտ երբեմն ձեզ, դարնան աղուոր օդով մը, երթալ փակուելի սինէմայի մը մէջ: Գէշ աղէկ տեղաւորուած նեղիճուկ նստարանի մը վրայ, ամէն անգամուն աւելի քան երկու ժամ՝ նստած անշարժ, դուք դիտեր էք հետաքրքիր աչքերով պատկերներ — անհատնում պատկերներ — որոնք կ'անցնին կ'երթան ձերմակ պատաստին վրայէն:

Լա՞ւ էք ըրեր թէ դէ՛շ — այդ չէ որ պիտի ըսեմ:

Բայց ներկայացման աւարտելուն, երբ ելեր էք դուրս, իրիկուան դով օդը շատ անգամ չէ ուղեր մտնել ձեր թոքերէն ներս: Շունչը պակաս է պահ մը ձեզ օդը, այդ կենսատու անտեսանելին, հակառակ ձեր բոլոր փորձերուն, յամուեր է չկատարել իր պաշտօնը: Եւ դուք նեղուեր էք. ո՛հ, քիչ բան մը, բայց նեղուեր էք:

Ու պէտք եղեր է որ առնէք շուտափոյթ և իրարու համաչափ քանի մը հարիւր քայլեր՝ որպէսզի ձեր շնչաուութիւնը կանոնաւորուի:

Գիտէք արդե՞օք թէ ինչ կ'անցնէր կը դառնար այդ միջոցին ձեր թոքերուն մէջ. ի՞նչ վիճակ կը ներկայացնէին ձեր շնչաուական գործարանները:

Պատասխանը ընթացքին, դաշտերու մէջ հանդիպած էք թերևս ճահիճներու: Զուրի անշարժ կոյտեր են ատոնք՝ որոնց մէջ կը լողան գոյնգոյն ու ձև ձև միջատներ — բոյն բազմաթիւ հիւանդութիւններու:

Ուրիշ անգամներ տեսած էք նաև աղուոր վտակներ՝ որոնք կը հոսին

չարունակ: Մաքուր է հոն ջուրը, հալելի մը նման մաքուր:

Բայց անցեալ օր մաքուր չէին դժբախտաբար ձեր թոքերը երբ — այդ աղուոր օդով — կ'իջնէիք սինէմայի դռնէն դուրս:

Անոնք նման էին աւելի աղտոտ ճահիճներու քան մաքուր գետակներու: Լեցուն էին անոնք բազմատեսակ և վտանգաւոր մանրէներով ծանրաբեռնուած օդով մը՝ որ կը մնար անշարժ այդպէս, չէր նորոգուէր բնաւ: Եւ եթէ նոյնիսկ նորոգուէր ալ պղտիկ չափով մը, այդ կ'ըլլար սրահին ծանրացած և բազմաթիւ անձերու թոքերը քանի մը անգամ այցելած աղտոտ օդովը:

Ձեր թոքերուն մէջ անշարժացած այդ ծանր օդը կը թունաւորէր ձեր արիւնը, կը նեղէր ձեզ:

Պէտք եղաւ որ առնէք քանի մը հարիւր քայլեր որպէսզի վերստանաք ձեր երիտասարդի կայտաւ կերպարանքը:

Պէտք եղաւ որ շարժիք:

Շարժումը, ահա էական պայմաններէն մին է առողջութեան: Տղոց համար ալ կեանքի ամէնէն աւելի հաճելի և դուարթ պահերն ալ չեն մի՞թէ այն ժամերը՝ ուր անոնք կը վազեն, կը ցատկեն, կը խաղան:

Կը խաղան ու կը մարզեն. կը մարզեն իրենց մարմինը շատ անգամ առանց դիտնալու, առանց իսկ վրան խորհելու:

Մարզուելու լաւագոյն կերպերէն մին ալ այդ է:

**

Գծուար է արգարև, և ճանճարացուցիչ ալ երբեմն, միշտ մտածել իր մարմնին վրայ:

Ու ա՛լ աւելի դժուար է կատարել ամէն օր որոշեալ ժամուն մարմնամարդական միջոցին փորձերը: Քիչ մը չափազանց միօրինակ կը թուին ատոնք, շատ շուտ կը ճանճարանայ տղան, մանաւանդ երբ դանոնք կը կատարէ սենեակի մը մէջ, միայնակ:

Շատ անգամ աշխատութիւնն ալ ամբողջ կ'երթայ պարսպ, քանի որ մեծ բան մը չ'արժէր այն մարմնամարդը՝ որ կը կատարուի չկամութեամբ: Եթէ տղան իր կատարած փորձերուն մէջ չի գտներ որոշ հաճոյք մը, աւելորդ է ստիպել զինքը վերսկսել փորձերու: Պիտի կատարէ դանոնք բոլորովին անկանոն կերպով, առանց խանդավառութեան, առանց եռանդի:

Եւ այդպէս կատարուած փորձերէ ալ մեծ օգուտ մը սպասել անխելքութիւն է:

**

Մարմնակրթական փորձ մը, որպէս զի տայ առաւելագոյն օգուտը, պէտք է կատարուի մեծ խանդավառութեամբ և առանց ճնշումի:

Ուրեմն պէտք է դանել շարք մը փորձեր զորս կիրարկելով տղան զգայ ճշմարիտ գոհունակութիւն մը, տեսական հաճոյք մը: Ու նաև՝ այդ փորձերուն շուրջ ստեղծուած ըլլայ խանդավառ միջոցը մը:

Սփորնեքէն շատեր ահա լայն չափով մը կը գոհացնեն այս պայմանները:

Կան մանաւանդ սփորներ — ինչպէս՝ Փուլթալ և ուրիշ խմբական կարգ մը խաղեր — որոնք ոչ միայն կը լրացնեն վերի պայմանները, ոչ միայն կընան սատարել Փիլիքական կրթութեան, այլ նաև որոշ չափով մը առիթ կուտան տղուն զարգացնել բա-

րոյական կարգ մը առաւելութիւններ — ինչպէս՝ կամք, պաղարիւնութիւն, անձնագոհութիւն և այլն:

Բայց նոյն այդ սփորները ունին, շատերու համար, իրենց վնասակար կողմերը:

Անոնցմէ ոմանք — Փուլթալը մանաւանդ — կը պահանջեն արդէն բաւական պատրաստուած մարմին մը: Մրցումներու ընթացքին մարմնին դանդան մասերը կ'ենթարկուին բուռն փորձերու և եթէ անոնք Փուլթալէ դուրս ուրիշ մարմնամարդական փորձերով չեն զարգացած մասամբ մը, կը վնասուին բնականաբար: Վնասը շատ անգամ ակնեքև չ'ըլլար, բայց յետագային, մարմնին բնականոն զարգացման ընթացքին, կ'ունենայ իր աննպաստ դերը:

Ուրեմն, երիտասարդ պատանիները մանաւանդ, պէտք է նախ զարգացնեն որոշ չափով մը իրենց մարմինը, մտնելէ առաջ սփորի բուռն մրցումներու մէջ: Մի՛ մոռնաք որ սփորներէն ոմանք չափազանց մաշեցնող են և վնասակար չպատրաստուած մարմիններու:

Բայց կայ սփոր մը՝ զոր կընաք ընել առանց վախնալու, պայմանաւ որ չչափազանցէք:

Սփորներուն լաւագոյնն է այն, և՛ հիմը միւս բոլորին: Աթլէթիսմը — վազել, ցատկել և նետել:

Եթէ կատարէք մեթոտիկ կերպով այս երեքը միասին, կընաք վստահ ըլլալ որ պիտի զարգացնէք ձեր մարմնին բոլոր մասերն ալ առանց բացառութեան: Պիտի ունենաք զօրաւոր մկաններ, առողջ թոքեր, դիմացկուն սիրտ մը:

**

Այսօր չպիտի կընամ երկար խօսիլ աթլէթիսմի դանդան փորձերուն մասին:

«Հայ Արի»ի յառաջիկայ թիւին

մէջ կը յուսամ լախօրէն բացատրել մարմնակերթական տեսակէտով այս ամէնէն աւելի օգտակար սիրորին դանազան կերպերը:

Ըսեմ միայն հիմա որ շարաթը առ առաւելն երեք փորձ լիուլի կը բաւեն ձեռք բերելու համար լաւ արդիւնքներ: Իւրաքանչիւր փորձ կը տեւ մօտ կէս ժամ: Այդ կէս ժամուայ ընթացքին կը կատարէք:

Ա) 400 մէթրի չափ, ոտքին ծայրերուն վրայ դանդաղ վազք մը: Սկսիլ քալելով, յետոյ արագացնել քայլերը, ապա վազքի կերպարանք մը: Առնել համաչափ քայլեր: Այս փորձը սահմանուած է շարժման մէջ դնելու, ստացնելու ձեր միկանները:

Բ) Քանի մը ճամբայ ելնել-

ներ (սթարթ) 25-30 մէթրի վրայ:

Գ) Նիզակ, սկաւառակ կամ գունդ—բայց ոչ երեքը միասին:

Դ) Յատկէններ—բարձր կամ երկայն:

Ե) Վազք մը, կարելի եղածին չափ արագ, 800-1000 մէթրի վրայ:

Զ) Ոտքին ծայրերուն վրայ 300-400 մէթր քայլել:

Իւրաքանչիւր փորձէ վերջ կատարել օդի խոր ներշնչումներ:

Փորձերը լմնալուն, առնել տուշ մը, եթէ կարելի է: Հակառակ պարագային, լաւ մը չորցնել քրակնքը, թաց լաթ մը անցնելով մարմնին վրայէն և լաւ մը շփել չոր լաթով մը մարմնին դանազան մասերը: Վ. Մ.



ԵԳԻՊՏՈՍԻ ՀԱՅ ՍԿՍՈՒՏՆԵՐԸ 1916 ԻՆ

Ահա նկար մը որ ցոյց կուտայ Հայ Սկաւառակներու կազմակերպուած խումբ մը, անկախ գործունէութեամբ եւ շատ հիմէն կազմուած, որը սկաւառական շիտակ նամբուն վրայ է, եւ ոչ մէկ «մարմնակրթականի» հետ կապ ունի:

Մեր Միութեան նպատակն է համագործակցութիւն ստեղծել բոլոր հայ սկաւառական խումբերու միջեւ որոնք կը փափագին կազմակերպուիլ եւ յառաջագիմել:

Մարտէյի մասնաճիւղին ուղերձը

Յ. Հայ Սկաւառակներու Պատգամաւորական Ժողովին քննարկին Մարտէյի պատուիրակը կարգաց հետևեալ ուղերձը, որը միաձայն գոհունակութիւն պատկանեց բոլոր խմբապետներուն:

Մերելի ընդհ. Պետ,
Մերելի սկաւառ եղբայրներ,

Մ կ ա ու ա կ ա ն շարժումը որ ծայր տուաւ Ձեր խի նախաձեռնութեամբ, առնել մը ի վեր տեսակ մը անհամբերութեամբ կը սպասուէր շատերու կողմէ և այլևս իրական պահանջութեան մէջ և յուսադրել միկաններէ մը մեր հայրենագուրդի ու որբացած պատանի սերունդին համար:

Մեզմէ անոնք որոնք զինադադարին ու անկէ վերջ մինչև 1921 գլխաւորապէս Պոլսոյ կամ Ջմիւռնիոյ շրջանին մէջ գիտեն թէ ո՞րքան լաշն ու ջերմ ընդունելութիւն գտաւ սկաւառակները յիշեալ վայրերու հայ երիտասարդութեան ու պատանեկութեան քով ու կարճ ժամանակուան ընթացքին այս շարժումը այլափոխեց, շնորհագարդեց մեր մատաղ սերունդը:

Եկան 1922 ի աղիտաւոր օրերը և հայութեան հետ, ազգային դանազան կազմակերպութիւններու և հիմնարկութիւններու կողքին, ցիր ու ցան հղաւ նաև այս շարժումը, որ երբեմն այնքան խանդավառած էր նոր սերունդը:

Ուրախալի երևոյթ է իսկապէս որ նորակազմ դաշուժներու ազգային ու անտեսական վիճակի աստիճանական բարելաման հետ, կրկին երևան եկաւ հայ սկաւառակները և ասոր զլխաւոր

արժանիքը կը վիճակէ ձեզ, Հայ Արիներու հիմնադիրներու:

Գործն սկսելով ամէն ինչ վերջացած չըլլար սակայն, և հարկ է շարունակ մղում և ուժ տալ անոր, առաջադրուած նպատակին հասնելու և օգտաշատ արդիւնք մը ձեռք բերելու համար:

Այս հիման վրայ, Մարտէյի Մասնաճիւղի կարծիքով անհրաժեշտ է մշակել գործունէութեան մանրամասն նախագիծ մը ուր շոշափուած ըլլան բոլոր հնարաւորութիւններն ու դրժուարութիւնները:

Այդ նախագիծն իբր գլխաւոր նպատակ պէտք է ընդունի «Հայ Արիներու» շարժումը ընդհանրացնել, այլ խօսքով հայ ժողովուրդի սեփականութիւն դարձնել, իբր իր խի ծոցէն ծնունդ տուած շարժում մը: Այս նպատակաւ անհրաժեշտ է յամառ ու զօրաւոր բրբօրականտ մը մղել ըլլայ խօսքով թէ մամուլով: Երբեք առիթը չփախցնել խօսելու այս շարժման վրայ բացատրելով մասնաւորապէս ծնողներուն անոր ընծայած բարիքները ու համոզել դանոնք որ իրենց գաւակները սկաւառ դարձնեն: Միւս կողմէ մօտենալ պատանիներուն բարեկամարար տեսակցել անոնց հետ, ցոյց տալ սկաւառին առաւելութիւնները ու անոր վայելած հաճոյքները, որպէսզի դուրս մնացած պատանիները ևս զգան որ իսկապէս սկաւառ իրմէ առաւել շնորհք մը ունի և ինք ևս փութայ անոր ընկերանալ:

Գալով գրաւորին. անհրաժեշտ է օգտագործել, ըստ կարելւոյն լաշն չափով, այն թերթերն ու պարբերականները որոնք բարեացակամ աչքով կը դիտեն սկաւառական շարժումը. գրաւոր ևս պէտք է կրկնել այն բոլորը զոր պիտի ըսուի ծնողներուն ու պատա-

նիներուն, անշուշտ այս անգամ աւելի փաստացի ու հիմնաւորուած:

Երևնալ հրապարակին վրայ և մասնակցիլ այն բոլոր հանդէսներուն որոնք ազգային բնոյթ կը կրեն. այս ձևով հասարակութիւնը աւելի ևս պիտի ծանօթանայ մեր շարժման ու իր համակրանքը օր ըստ օրէ աճի:

Անհրաժեշտ է նաև սերտ յարաբերութիւններ նաև օտար սկաւտական շրջանակներու հետ, ցոյց տալ որ վերջ է վերջոյ մենք յաւիտենական լացողներ չենք, որ մենք ևս ունինք մեր ուրոյն դիմագիծն ու բարեմասնութիւնները, որոնք մեզ համար ա՛յն-

ԱՍԿԷ ԱՆԿԷ

ԿՐՍԵՆ Թէ

** Կիրակի 11 մայիսի պուստեան ժամը 2:30 Ահարոնեանի Յորելեանէն բանակում հանող երէցները, իրենց ծածկոցները անհետացած դտան . . . Թէ այդ ծածկոցները (թւով 6-8) իրացուցուած էին անծանօթ եւ աներեւոյթ սկաուտի մը կողմէ որուն խմբապետը նոյնիսկ չէր դէտեր իր բանակիլը և թէ վերջապէս առտուան ժամը 3ին երկար բանակցութիւններէ յետոյ երէցները յաջողեցան ետ ստանալ իրենց ծածկոցները շնորհիւ այդ արժանաւոր նորընծային բարեացակամութեան, որ նկատի առաւ որ դարձնուածը ճին էր:

** Որ նոյն դաշտահանդէսին բոլոր գայլիկները ներկայ էին և փոխ-խում-

քան թանկագին են ո՛րքան իրենց իւրաքանչիւրին խէտըները:

Ահա սիրելի խմբապետներ, Մարսէյի Մասնաճիւղի համեստ կարծիքը զոր անշուշտ է նկատի կ'ունենաք ժողովիդ աշխատանքներուն ընթացքին: Կը սիրենք յուսալ և կը մաղթենք որ նոր բացուող տարեշրջանը ըլլայ բեղմնաւոր ու բազմադիւն: Կրկին յաջողութիւն կը մաղթենք բոլորիդ:

Մարսէյի Մասնաճիւղ
Ի դիմաց Վարիչ Մարմնի՝
(ստոր.) Բ. ԳԱՎԷՉԵԱՆ


բազմաճիւղի ուրբաթ օրուրնէ սկսած էր հաւաքել զանոնք:

** Թէ Փարիզի II ի Ագեվագ խմբակը բանակում ըսելով կը հասկնայ անձրև, հով և դիշերային դնացք:

** Թէ Փարիզի I ի Շուն խմբակը սկսած է կարգապահութեան և համեստութեան տիպար խմբակ մը ըլլալ:

Եւ թէ անոնց առաջնորդը անծանօթ մը չէ . . . :

** Թէ սկաուտ մը Ը. Պ.ին առաջարկած է իբր Բիմի խողի առարկայ գործածել Բոլոնիացի սկաուտներու խմբապետը. բայց Ը. Պ.ը նկատելով որ այդպիսով 24 առարկաներուն կրկինը կայ այդ սիրելի խմբապետին վրայ, մերժած է այս խելացի առաջարկը:



ՀԱՄԱԳՈՒՄԱՐԷՆ ՎԵՐՁ

ՏԵՂԵԿԱԳԻՐ ՖԻՆԱՆՍԱԿԱՆ ՅԱՆՁՆԱԽՈՒՄԻ

(1929)

Յանձնախումբս, Գործադիր հորիւրդի գանձապահի հաշիւները մանրակրկիտ քննելէ յետոյ, գտաւ չափազանց կանոնաւոր:

Նիւթակահին վրայ չափազանց մեծնշում բրած է Հայ Սկաուտներու Ա. մասնակցութիւնը համաշխարհային ձէմպօրիին:

Մ Ո Ւ Տ Ք

| | |
|--|----------|
| Նախատուութիւններէ գոյացած | 14295.90 |
| Սկաուտներու վնարածք | 11498.— |
| Հանդէսէ, վիճակահանութիւնէ | 4329.— |
| Ինքնուրեան քուղք, առաջ անդմ. նշանակ. ապահովագրութեան | 338.25 |
| Ձանազան մունտ | 226.05 |
| Բարիզի խումբերուն և Գայլիկներու 10% | 175.10 |
| Սկաուտին ուղեցոյց | 105.— |
| Պատուոյ անդամ | 100.— |

Ընդի. գումար՝ 31067.35

Ե Լ Ք

| | |
|---|----------|
| Ճամբորդութիւն (ձէմպօրիի առթիւ) | 12575.30 |
| Բանակումներ և հաւաքոյթ (,, ,,) | 10643.50 |
| Սկաուտական գոյք | 5346.90 |
| Ապահովագրութիւն | 708.85 |
| Թղթեղէն | 635.30 |
| Յայտարարութիւն, քղթակցութիւն | 310.55 |
| Տպագրական ծախս | 271.50 |
| Սկաուտական ձեռնարկի աշխատանքներու համար | 184.40 |
| Նուէր (Գայլիկներու, Երէց Սկաուտներու) | 120.— |
| Ընդունելութիւն | 113.— |

Ընդի. ելք՝ 30909.50

Գանձի մէջ պատրաստ գումար՝ 157.85

31067.35

Ամբողջ ծախսերը եղած են Սկաուտական պէտքերու համար, օրինաւոր և ստացագրի դրութեամբ:

Հաշուական տետրը քննուած է ամէն ամիս Գործադիր հորիւրդի կողմէ և վաւերացուած:

Յանձնախումբս իր խորին շնորհակալութիւնը կը յայտնէ հին Գործադիր հորիւրդի Գանձապահին (Արմիկ Ջամպեան) և կը մաղթէ, որ նոր գանձապահն ալ նոյն ոգիով աշխատի և նոյնքան փայլուն գործունէութիւն մը ունենայ:

Յանձնախումբի անդամներ՝
Պ. Պայեան, Հ. Դերձակեան, Վ. Բեգգադեան, Հ. Պազալեան
Ելեմտ. Յանձն. Կնիք

